



**ԱՍՓՈՓ ՏԵՂԵԿԱՆՔ**

**2018 թ. ձմեռային եւ 2019 թ. ամառային գորակոչերի ընթացքում  
իրավախորհրդատվության նպատակով ՀՔԱ Վանաձորի գրասենյակ դիմած  
գորակոչիկների իրավունքների վիճակի և խնդիրների վերաբերյալ**

2018 թ.-ի ձմեռային եւ 2019 թ.-ի ամառային գորակոչերի ընթացքում ՀՔԱ Վանաձորի գրասենյակ է դիմել **94** գորակոչիկ՝ համապատասխանաբար **32** և **62** հոգի:

2018 թ.-ի ձմեռային գորակոչի համեմատ 2019 թ. ամառային գորակոչին Կազմակերպություն դիմած գորակոչիկների թիվն աճել է գրեթե կրկնակի անգամ:

Ստորև՝ աղյուսակ 1-ում, ներկայացվում են 2018 թ.-ի ձմեռային և 2019 թ.-ի ամառային գորակոչերի ընթացքում Կազմակերպություն դիմած գորակոչիկների խնդիրները:

**Աղյուսակ 1. Կազմակերպություն դիմած գորակոչիկների խնդիրներն ըստ գորակոչերի**

Խնդիր	2018 թ. ձմեռային գորակոչ	2019 թ. ամառային գորակոչ	Ընդամենը
Առողջական խնդիրներ/ ոչ պատշաճ բժշկական օգնություն ստանալու, առողջական վիճակի գննության արդյունքների հետ անհամաձայնություն	18	42	<b>60</b>
Քաղաքացիության, երկրադաքացիության հետ կապված հարցերի վերաբերյալ խորհրդատվություն	6	3	<b>9</b>
Պարտադիր զինվորական ծառայության գորակոչից օրենքով սահմանված դեպքերում տարկետման հիմքերի վերաբերյալ խորհրդատվություն	2	8	<b>10</b>
«Սահմանված կարգի խախտմամբ զինծառայություն չանցած քաղաքացիների մասին» օրենքի դրույթների վերաբերյալ խորհրդատվություն	3	4	<b>7</b>
Հաշվառման վայրի փոփոխության դեպքում զինվորական կոմիսարիատի փոփոխության, զինկոմիսարիատից առողջական վիճակի փաստաթղթերի ստացման կարգի, միաժամանակ գորակոչվող եղբայրների միևնույն զորամասում ծառայելու հնարավորության, զինծառայության ընթացքում կիրառվող սահմանափակումների, հատուկ զորամասերում ծառայության հնարավորության, ԿԲՀ որոշման բողոքարկման ընթացակարգերի վերաբերյալ խորհրդատվություն,	3	5	<b>8</b>
<b>Ընդամենը</b>	<b>32</b>	<b>62</b>	<b>94</b>



Երկու գորակոչերին էլ գորակոչիկների գերակշիռ մասը (56%) դիմել է առողջական խնդիրների հետ կապված հարցերով:

Սուտ 9 %-ի խնդիրը կապված է եղել քաղաքացիության հետ, մասնավորապես՝ միաժամանակ այլ երկրի քաղաքացի լինելու եւ զինվորական ծառայություն անցնելու կամ զինվորական ծառայությունից ազատվելու հիմքերի հետ:

Սուտ 10 %-ի խնդիրը առնչվել է օրենքով սահմանված դեպքերում տարկետման հիմքերին:

ՀՔԱ Վանաձորի գրասենյակ դիմած գորակոչիկների 7 %-ը խորհրդատվություն են ստացել «Սահմանված կարգի խախտմամբ զինծառայություն չանցած քաղաքացիների մասին» օրենքի դրույթների վերաբերյալ:

Մյուս գորակոչիկների խնդիրները կապված են եղել տարբեր ընթացակարգերի հետ:

Հիշեցնենք, որ նախորդ՝ 2017 թ.-ի ձմեռային և 2018 թ.-ի ամառային գորակոչերին Կազմակերպություն դիմած գորակոչիկների թիվը ևս կազմել է 94, համապատասխանաբար՝ 40 և 54 հոգի<sup>1</sup>:

### **2018 թ. ձմեռային եւ 2019 թ. ամառային գորակոչերի ընթացքում արձանագրված խնդիրները**

Ստորև ներկայացվում են 2018 թ. ձմեռային եւ 2019 թ. ամառային գորակոչերի ընթացքում Կազմակերպության կողմից արձանագրված հիմնական խնդիրները:

1. Զորակոչիկների առողջական վիճակի հետազոտությունները շարունակվում են իրականացվել թերի, հիվանդության հաստատման կամ ժխտման համար չի իրականացվում լրացուցիչ կամ անհրաժեշտ հետազոտություն, որը կարելուր նշանակություն կարող է ունենալ զինվորական ծառայության պիտանիության հարցի որոշման համար:

2. Որոշ դեպքերում շարունակվում են գորակոչիկի առողջական վիճակի գննության վերաբերյալ անհրաժեշտ բժշկական փաստաթղթերի, ինչպես նաև ԿԲՀ որոշումների օրինակների տրամադման մերժման դեպքերը զինկոմիսարիատներում: Նման դեպքերում մերժման համար նաև պատճառաբանություն է նշվում այն

<sup>1</sup> [https://drive.google.com/file/d/1FG5qFAGct\\_rllrF-PN-p9hsMTiXAw8w5/view](https://drive.google.com/file/d/1FG5qFAGct_rllrF-PN-p9hsMTiXAw8w5/view)



հանգամանքը, որ բուժհաստատություններից դեռևս փաստաթղթերը չեն ստացվել, չնայած բուժօգնություններից օրվանից անցել է առավել քան մեկ ամիս:

3. Բժշկական հաստատությունները հիմնականում հրաժարվում են տրամադրել գորակոչիկների առողջական վիճակի հետազոտման արդյունքների վերաբերյալ փաստաթղթերի պատճենները, խախտելով 2018 թ. ՀՀ Կառավարության 405 որոշմամբ սահմանված պարտավորությունը:

4. Մի քանի առողջական խնդիր ունեցող գորակոչիկներին տրամադրվում է տարկետում՝ հիմնվելով առողջական միայն մեկ խնդրի վրա, չնայած, որ գորակոչիկն ունի այլ առողջական խնդիրներ: Այսպիսով՝ չի իրականացվում գորակոչիկի համալիր բուժօգնություն:

5. Կենտրոնական բժշկական հանձնաժողովի եզրակացությունը երբեմն խիստ տարբերվում է գորակոչիկների առողջական վիճակի վերաբերյալ բուժհաստատությունների կողմից իրականացված հետազոտությունների ակտերով հաստատված ախտորոշումներից:

6. Զինկոմիսարիատի աշխատակիցները շարունակում են ծանուցագիրը տրամադրել բացի գորակոչիկներից նաև այլ անձանց՝ ընտանիքի անդամներ, ծանոթներ, ինչպես նաև ծանուցումն իրականացնում են հեռախոսազանգով:

7. Մարզերից ուղեգրված գորակոչիկները մայրաքաղաքում բուժօգնության ուղեգրվելու դեպքում ստիպված են լինում մի քանի անգամ ներկայանալ հետազոտման այն պատճառաբանությամբ, որ կամ մասնագետները տեղում չեն, կամ աշխատանքային օրն է ավարտվել, կամ անհրաժեշտ սարքավորումն է բացակայում:

Առավել ամբողջական՝ այդ թվում նաև օրենսդրական խնդիրների վերաբերյալ տվյալներ կներկայացվեն ավելի ուշ:

**Վանաձոր, 2019**